

四庫全書

史部

欽定四庫全書

水道提綱卷十三

原任禮部侍郎齊召南撰

入江巨川三

漢水

雲夢

漢水即漾水亦曰沔水源出寧羗州北之蟠冢山

西二十度二

分極三十三度山在州北稍西九十里

即禹貢導漾之蟠冢也東南流

數十里折而北數十里至寗川舖西折東北流經沔

縣西南境有大安水自西北來會

在大安鎮東南

又東北經

青陽鋪南又東北有沔水會澧水沮水自北來會曰

澧口

沔水上源有三一曰澧水出西北山東南流經硤口北又東南流一曰上沮水出北山南流經

沮水鋪西南一曰丙水自東北山西南流至鋪南三水俱會又東南曲曲流八十餘里入漢又東

經縣城南又東經黃沙驛南又東南有水北自雲霧

山來注之又有白岩河西南自寧羗州城東北流合

平溪河來會水勢始壯

白岩河出州西南與四川界之七盤關北流又東北經州

城西北又東北經鐵鎖關北又東北經蔡壩有平溪河自南山來會曰壩河又東北入漢水在天池山之

北又東南流經褒城縣南境稱為沔水有黑龍江東

北自太白山西南流合斜谷東南諸水自北來會

黑龍

江源出郡縣南境太白山之西南麓兩源西南流而合又南合東來一水西流又合北來一水又西有紫金水自北來會又西折西南流至泰拍村西受東來一水西南至鎮江鋪西又西南有白馬及安河西北自斜谷之東南小山合而來會曰黑龍江又南流折而西南至武關驛東北有野羊河自西北來會又南有武林河自西北來會又南有馬道河沙河俱自西北來注之又南稱褒城水經褒城縣城東折稍西南流至龍江鋪與漢水會 此水即古褒水自鳳縣大散水三岔驛以東郡縣太白山以南諸流悉會行五百餘里又東南流至漢中府治南鄭縣西南有高臺鎮水自西南來注之東經府城南又東有老渚河自南合

二水來注之

老渚河二源一出建龍池自南與川界之小壩北流經岩堰口東又東北流一

曰青石水自東南與川界之龍蓋山北流至青石關西合焉又東北流數十里入漢水

又東北

流經柳村堡南又東有一水自北來一水自南來並

會

北水自北山南流合西來一水東南百餘里入漢南水曰南沙河南自賈谷關北流經七里壩東又

北入漢水口南北相對其東南曰五郎口

又東經城固縣城南水中有

洲稍東有小水自南來注之稍東北有水自西北東

南流經縣城東北來會

疑即古壻水亦名智水

又東北有馬扈

河自北來注之

馬扈河出城固縣北境山東南流有關王河自東北來會又南百數十里

折東南至洋縣西南境
入漢疑即古駱谷水

又東有鐵台河亦曰溢水自

北來注之

鐵台河出北境秦嶺之西南山二源西南流而合折東南曲曲流二百里至洋縣城

西南入漢

又東經洋縣城南又東稍北八十里有潛水自

北來注之

潛水出鐵台河源之東南山東南流百數十里經槐樹關西又南入漢

又東

經真武鎮北有沙河西南自西鄉縣北境來注之

沙河

出西鄉縣西北之樓山東北流有祁了山水自西來會又東北經真武鎮南又東北入漢

又東稍

北有金河自北合二水來注之

金河出北山東南流有玉門山水自東北

來會又東南流入漢

又東南流至鐵石關南有李家河即饒風

河自東北合數水來注之

李家河出柏林壩北山東南流合西來一水曰焦溪

河東南流八十里有一水自北合東北一水南流來會又東南至馬家溝東折而西南流南經金雞嶺子

午山東又東南有兩河東北自雲霧山北合而西流來會折西南流經饒風嶺北又西南入漢折西

南經西鄉縣東北境渭門鎮東南又南折東南流有

洋河即清涼川西南自鹽場關北流合木馬河東北

流來會於茶溪鎮北

洋河源出西鄉縣東南與四川之鹽場關北山北流經魚渡路西又

北有小巴山東水自西來會又北有揚旗河自東來會又北經碓面壩西有七十二渡河一自大巴山北

麓一自飛龍山合而東流來會又北數十里至縣東境有木馬河自西南來會木馬河源出縣西南與

川界之米倉山東北流有大巴山西北麓水自南來
會又東北有賈峪關東水自西來會東流經風口南
又東折東北流經空渠鋪北又東經縣城南又東與
洋河會 二水既合東北流經金牛山北受西北來
一水又東數十里有洋溪南自皂軍山北流經父
子關東北流來會又北稍東至茶溪鎮西北入漢又
東至石泉縣西南有珍珠河北自雲霧山西南流合
西北之香子河來注之又東經縣城南又東南流有
池河東北自螞蝗山來注之折南流受東來一水又
西南經漢陰縣西境南至馬家營西漢陽坪東折東
南流至紫陽縣西境有小松河自北來注之又南有

渚河西南自四川太平縣境北流經毛壩關合二水

來會

渚河即任河其上游曰北江出四川太平縣東境黃墩山北麓北流合東一水西北流百里有

一水自西南來會又北流入陝西界經毛壩關東又北有渚河自縣西南境東北流折而東南合西南一水來會又北經馬家營東又北折而東流數十里曰渚河亦曰任河至紫陽縣之西南東入漢曰任河嘴

又東經城南又東經西沙壩南又東有汝河西南自

雙河關來注之又東有嵐河東南自花龍山來注之

嵐河出東南界花龍山西北流至水圍城北會西南來一水又西北折而北流百餘里又折東北經嵐河右營之東北入漢水口又東有香河自南來注之

正對漢北岸之流水鋪

香河

出平利縣西南境西北流經香河營東又北九十里入漢又東稍北至興安州西

境有越河即古直水合恒河西北自漢陰縣來會漢陰

縣西北山有二水南流而合又會西來一水東南流經縣城西南又東南五十里有添水河自東北山來

會即古直水也又東南經澗池舖西又東南五十里經關埡南有白音溝水自北來注之又東經恒口堡南有恒河自北來注之又東南至長鎗舖又東稍北西南有傅家河自北來注之又南入漢

經州城北又東有黃羊河南自平利縣來注之黃羊河出

平利縣東南界白土路營二水南曰石牛河北曰連先河西流至營西而合西流即古灌溪水也有獅子山水自南來會又西北流經縣城西南又北數十里受東南來一水又北流至州南之黃羊村東又北經

州東而北入漢又東北經二郎舖北有一水合二溪自北來

注之東經青山舖南又東北至洵陽縣西南有閭河

自南來注之閭河出縣南與湖北界之七里關南山北流合西南來之炭河及神河三水西

北流又折而北而西受西南來之孟家河又北至閭河舖西北入漢又東過縣城南有

洵河自北合鎮安縣諸水東南流經縣城東北而南

來會洵河源出鄠縣東南豹林谷之西南太乙山西北徑鄠縣百五十里東北徑長安縣二百餘里

太乙山西北麓即西黃谷嶺為澹水之源其西南麓即洵水源也南流合東來一水又南八十里合西北

來一水又南四十里合西來一水又東南經兩山間三百餘里至兩河闕南有鎮安縣水自北來會鎮

安縣水二源西北源出天書山東南流北源二水出
舊縣闕東南山南流至石瓮子南會焉南流經徐家
坪西又南數十里經縣城東又南有一水西北自紅
山洞東南流合一溪經縣城西南來會又南受東來
一水又東南受西來一水又東南受東北來一水又
南經青鎖關東又南折東南流六十里有東空河自
東北湖廣界來會又南至兩河關東南洵河自西來
會洵河又東南經趙家灣東又東南經洵陽東與
湖廣界八十里折而南經縣城東北又東南入漢
此水源流五百餘里在陝中入漢巨川惟黑龍江及

也此水又東稍南受北來構園水又東經大棕溪鋪南

鋪北即湖北鄖西縣西南界又東南有冷水河自西南來注之又

東稍北經月免鋪北稍東有吉水河北自鄖西縣西

北境來注之水口北岸即湖北界

吉水河出鄖西縣西北境與陝西界

之鐵錫嶺東南流經沙口鋪南又東南九十里經上津堡西又南八十里受西北來一水又東南五十里

受東北來一水南經夾關塘東又南於白河縣北界入漢稍東南有白河即大白

石水自西南來注之又東南經白河縣城北又東有

小白石水自西南來經城東而北注之又東入湖北

鄖陽府界鄖西縣之西南境東流受東南來一水

漢水

自源至鄖西界已一千三百餘里又東北百里至縣南境之黃連埡

南有水北自縣城來注之

水有二源東源出木龍洞東北山西南流九十里經縣城

東南西源出黃雲鋪西山東流合北一水經土門鋪南折而東南經城西南至城南會焉又南流八十里于黃連埡東南入漢亦曰黃連水又東北有曲遠河自北來注之曰

曲河口

曲遠河出潞河山之西南麓其東水即潞河也曲遠河南流至青銅鋪折而西南流至曲

河口南入漢

又東流有陟阿西南自竹溪竹山二縣合諸

水北流來會

陟河即竹溪水有二源西北源曰竹溪河出竹溪縣西北與陟西白河縣界

七里關西南之雞籠山其北水即閭河炭河也竹溪南流數十里至中峯塘東南有白土關水西自界上西溝塘來會其西水即平利縣東之石牛河也竹溪折而東流有一水自北來經城西來會竹溪又東經縣城南有洛家河自北來注之又東稍北折東南流至水坪塘東南有縣河自北界山北流百餘里來會

曰西兩河口又東南七十里至東兩河口西南源來會西南源曰柿河出西南與陝西界曾家村北山其西水即嵐河也柿河東流百六十里經渡船口塘北又東四十里有秦坪河自西南來注之折東北流百里至東兩河口與竹溪會有羊腸河自東南來合焉又東北經竹山縣西南境至縣南有樟落河東南自陰條嶺西北流合西南麥場埡北水北經上龕塘西曲曲西北流來會又東折而北經竹山縣城東又北稍東二百三十里至鄖陽府治鄖縣西南境之鮑家渡東黃龍灘西受西來一水又北七十里至陝河口西北入漢竹溪縣又在其西縣之北境及西南即陝古上庸地竹溪縣又在其西縣之北境及西南即陝西白河洵陽興安州平利縣界其南境及東南境即四川夔州府巫山縣界也又東經鄖縣西境洪河館南又東折而南經府城西南受西南來

一小水又東流受西南來之小嶺塘水又東至土地

埡南折南流經龍門塘西有一水西南自十堰店東

北流經八畝地來注之府東南境水也又東流有水自東北

來注之即龍門塘東北一水又東南流至均州西北有水西南

自白浪塘南北合二水東北流來注之又東流經州

城北折東南流至曾口東有曾河西南自兩河口合

太和馬嘶二山水東北流來注之太和山在均州南百二十里其南山

北麓水曰呂家口西北流至兩河口塘有馬嘶山水自西南來會又東北曲曲數十里經武當山西麓又

北至孫家灣北又東北經州南境至曾口南有草店
水南自太子披北流稍東來會又東北于曾口之東
入又東南數十里至蕭江口有丹河北自河南浙川

縣西合陝西商州山陽商南諸水南流來會丹河即古丹水

源出陝西商州西北境之秦嶺東麓其西北即藍田
縣東界之藍關藍水源也丹水東南流至紅門口南
有一水自北來會又南有一水自西來會曰乳水河
又東南至州西南境有荆水自北山藥子嶺合二水
南流至上板橋又合西北一水南來會又有五峪河
自西南合南秦川及赤水峪水東北流來會丹水又
東經州城南又東曰丹江折而南流經巴樓鋪白楊
店西又東南流經商山北經商維鋪南又東南至龍
駒寨南受北來一水又東南流經商南縣西南境有
銀花水西自中村合二澗東流經土門來注之折而

東流有武闕河自北來注之又東經縣南境稍東有清油河北自城東來注之又東南經打鼓洞梳洗樓凡百六十里入湖北鄖縣東北界數十里又東入河南浙川縣西北界有淇河自北來會淇河出商南縣東北山二源合東南流入河南浙川縣西北界又東南數十里折而南又東南流入丹水丹水又東南百里經浙川縣城西南有金井河合湓河西自鎮安山陽來會水勢始盛曰丹江金井河出陝西鎮安縣東北孟家寨南北二水東流而合又東合北來一水東南流九十里至扈家坪東南有社川河合三水自西南來會又東南經山陽縣南境有色河北自縣北苦竹塬南流合東西四水來會又東經沙溝鋪南又東經商南縣南境吐霧山南又東南至胡家店東南有洧河自西南來會又東入湖北鄖縣東北境經梅嶺北又東至浙川縣西南境東入丹水俗稱洧河源流行五百餘里丹水又東南四十里有老鶴

河北自杏花山南流合熊耳山南之雙河南經西峽集及霄山凡三百里至馬蹬店之西南來注之丹水又南稍折西南流百三十里于蕭江口東南入漢此水源流曲折行八百里稍南有青石

鋪水西南自太和山東北麓來注之又東南流八十里至光化縣西北分為二派夾客洛河洲至縣城西南之舊城西復合曰老河口又南至穀城縣東北有余家河自西來注之又南經城東南之仙人渡有南河即古沮水西南自房縣東流合保康縣水東北流來注之

沮水源出房縣南境之景山在縣南稍西百三十里其西為陰條嶺其東南為五柯樹山

又東為保康縣南境山又東為北風山勸易岩漳水源自景山北流百數十里至縣城西北有包家河北自東浪村西南流百餘里來會于城北折東南流經宜陽灣北又東經驢蹄店南又東至保康縣西北之台口有白岩河自西南來會白岩河出景山之東南百里五柯樹南山東北流曲曲至博磨坪南又東北折東南流數十里至王家灣北折而北流百餘里至姬公會西折東北流百里與沮水會又東流至保康東北之洞庭廟西有板倉河西南自縣城來會板倉河出保康縣南境之馬湖埡東北流經羅圈岩西麓其東水即南漳縣西水也板倉河又北經黃保坪東折而西流數十里至保康城西南又折而北而東北數十里會沮水沮水自洞庭廟西折而北又西北復折而東北經雞子口東俗曰南河又東北經穀城縣城南又東入漢

又東南至廟灘東受東北

此水源流曲折行五百里

又東南至廟灘東受東北

來一水又南至太平店南折而東流有水自東北來

注之

水出北與河南鄧州界東南流六十里至黑龍集西折而西南流百五十里至太平店之東南

漢入又東南至牛音塘南稍東北流經襄陽府城北樊

城南稍東有白河唐河東北自河南新野合南陽府

諸縣及鄧州水南流又合西來之清河東來棗陽之

滾河來會

湍水源自嵩縣西南境之老君山南麓其東北山即汝水源地也湍水南流百數十里

折東南數十里又折而南有長城河自西南來會又東南百餘里至內鄉縣北境有螺螄河自西北來會

又南經縣城東又東南有黃水河西自甯山東南流百數十里經城西南而東南來會甯山之西即浙

川縣北之老觀河也湍水又東南有默河東北自聖
保山西南流百餘里來會又東南流百四十里經鄧
州城東北又東南百里至新野縣城西境之高家庄
北有潦河北自鎮平縣北山合二水南流經縣東境
南陽西境曲曲東南凡二百六十里入湍水稍東白
河自南陽府城西南流來會 白河源出南召縣西
北境之曹峯山在老君山東南二百餘里其西北為
伏牛山北即汝水其東北為沒大嶺即沙河源也白
河南流經演藝山麓又南經縣西境又東南流至南
陽縣北境有雞子河自東北山西南流百數十里合
西北來之雅河來會又西南出山曰白河西南曲曲
百餘里經府城東而南分為二派其東南流之支津
曰溧河南經林水驛至郭家灘會唐河者也正派于
城東南西南流百五十里至新野縣北境西流與湍
河潦河會 白河既會湍河南流經新野縣城西又
南數十里有刁河西北自內鄉西南山東南流經孫

家寨又東南經鄧州南境又東南流凡三百里來會
白河又南數十里入湖北界經襄陽東北境西南流
百餘里唐河自東北來會唐河三源至唐縣皆會
故名唐河其北源曰裕州西境之趙河源出魯山縣
南境大山在雞子河源之東南流百餘里出山又南
折東南流有三里河北自趙河源之東北山亦南流
百數十里與趙河會此河南流處有支津東經葉縣
南舞陽北東至鄆城西入沙河之澧河也三里河南
流與趙河但隔一山趙河又東南有裕州左右二水
俱出北山南夾州城左曰潘河至城南合而西南流
數十里來會又西南百餘里至南陽縣東南境曰趙
河折而東南流九十里至唐縣西北其東源東自泌
陽來會東源曰泌河又有兩源南源出泌陽東與
確山縣西界之銅山西流數十里北源出縣東北之
大胡山西流又西南合北來一水數十里來會西經
泌陽縣城南又西有灤水北自申陽山西麓南流來

注之又西數十里折西北統經大河屯北又西有毘
河東北自慈邱山西南流來注之又西至唐縣城東
北又西北與趙河會南流經縣城西而南其東南源
東南自桐柏縣來會東南源曰盧家河二源一出
桐柏縣東北界之回龍山西麓其東水即入淮之明
港河也西麓水西南流八十里一源北出必陽南界
山者南流數十里來會又西南七十里至桐柏縣北
境有一水西南自淮源桐柏山北麓東北流來會又
西北九十里出山曰盧家河又西北百數十里經唐
縣南塘至縣城西南會趙河而南以下總名唐河西
南流百里至郭家灘東南有白河支津曰溧河北自
府城來會又西南八十里入湖北界經襄陽東北境
百數十里白河自北來會白河既會唐河西南流
三十里有清河西北自北界東南流百餘里來會其
東有滾河自棗陽來會滾河三源東北源出棗陽
縣東北境之洛湖店南流又西南數十里折西流經

縣城南有北源自北來經城西而南合焉又西南流
八十里其南源自東南山西北流百里來會折西流
曰滾河經秋樹井南折西北流經打火店北又西北
與白河會白河又西南流四十里至樊城東南入
漢白河源流行七百里西合湍水東合唐河泌水
南陽全府州縣群流畢會湍泌亦源流行六百餘里
實入漢之巨川也
趙河即古涓水

漢水又東至東津灣西折向正南
流經東南境百里有羅家河自西來注之又東南流
數十里經宜城縣東境又東南百里有蠻河西北自

南漳縣合歇馬清涼二河東南流來注之

南漳縣在襄陽府西

南百二十里宜城西北四十里其西與鄖陽府保
康縣連界其南境多大山自竹山而東南為房山景

山為五柯樹為龍潭山高雞寨東為老龍山北風山
至縣南與遠安接界綿亘不斷而東南至荆門州之
西北凡數百里禹貢荊州之荆山在縣西北八十里
漳水所出即今清涼河也論源流則歇馬河較長
歇馬河源出縣西南與保康縣南界龍潭山北麓其
南即興山遠安北界羣山也東北曲曲流經老龍山
西折北流數十里至長坪西南有一水西南來經羅
圍岩東麓來會折東北流經長坪北又東流經杏橋
坪北又東南五十里經南漳縣城南又東南經騎龍
集南又東南至武安鎮南清涼河自西北來會清
涼河出南漳縣西北大山即穀城縣南界保康縣東
北境襄陽縣西南界諸山相連者也東南流循山南
麓八十里至縣北龍門集之北又東南流百餘里至
武安鎮西南會歇馬河東流曰蠻河又東稍北經宜
城縣西境朱家背南稍東折東南流八十里至縣東
南境之新店又東南八十里入漢源流行四百餘里

又南經安陸府治鍾祥縣北境之豐樂驛西有豐樂

河自東北來注之

豐樂河西南流百三十里入漢

又南六十里有樂

鄉河自西北來注之

樂鄉河即夾谷河源出南漳縣西南界老龍山南麓其西北即

歇馬河也東南流二百餘里合西南一水經鍾祥北境又百餘里有石橋河西自山東流經石橋驛南又

東合西南來之荆門山北水東北流來會又東入漢麗陽石橋二驛皆荆門州北境源流三百里此河

源東南七十里即當陽漳河源又東南經安陸府城西三尖山東麓

三尖山西自荆門山東北綿連數十里至此山甚高大其東南為黃土坡山東臨漢江隔岸即府城也疑

即古內方後人名為章山西又東南至舊口西有寨四度一分極三十一度三分

子河自東北來注之折西南流經荆門州東南境有

水西北自州城合南北二水東南流來注之

一水出州西南

山東北流經州城南又東一水西北自荆門山東南流經城東北而南來會又東南曲曲百餘里入漢

又正南經石碑鎮東稍南折東南流至沙洋鎮北折

南流經京山縣西南境之多寶灣西又東南流至潛

江縣北境之大澤口西北有支津西南流西通荊州

府南通監利東南通沔陽州諸湖支港縱橫交會即

古江北之雲夢澤

見後

漢水正派自大澤口折而北流

數十里又折東流至張集港南又分支津南經潛江

縣城之東北又東南為沔陽北湖見後漢水正派又東

南經黑流渡南竹根灘北又東分為南北二派北派

東北流經天門縣南境天門即舊景陵縣自截河場東至乾

鎮司南又東數十里有松湖支津自東北合西北京

山應城諸水來會松湖見後又東過沉湖至脉旺觜與南

派會南派東流經牛跡口南又東南經慎口場北彭

河鎮南東經沔陽州北境曰拖鎗河東南至仙桃鎮

南又分一支津南為白泥赤野諸湖

見後

南派折向東

北流經沉湖東

沉湖長七十里濶二十餘里首東北尾西南在南北二派之中隔一堤岸

其東村曰豆莆至脉旺莆北與北派合

分派東流二百餘里南北相去五六十里

二派既合東北流過彭公湖南

彭公湖在漢川縣西南境自東北而西南

長六十餘里形如鯉魚在松湖支津之南漢水之北

至漢川縣西南受西來之

松湖支津水

見後

折東南流數十里復折北稍西至縣

城東北有松湖支津自西北來會

見後

又東至涓口塘

北有澇涓諸水北自隨州南流會德安府雲夢應城

數縣水來注之

澧水源出隨州西北界山南流數十
里經唐縣鎮西又南百里至梅邱鎮

東有澗水自西南山東北流經鎮北而東來會折東
流經安居店南又東五十里有均水南自佛兒嶺北
流至茶庵西北注之又東四十餘里經州城南有浮
嬰河北自太平嶺南流至厲山店南合西北來一水
東南經城西而南注之又東流三十里有漂水自東
北山西南流經萬家店而南來注之又東經浙河店
南折東南流至光化店東有浪河自西南來注之又
東南至馬坪港南折正南流百里經平里市西又東
南流經德安府治安陸縣西北境有一水東北自金
家店合二水西南流來注之又東南至府城西北有
一水東自城北來注之又南經城西又南至兩河口
南有水東北來經好石橋南及雲夢縣西北之利塘
鎮北合雲夢城南之水西北流來注之又南有揚家
河西北自大猿山合佛兒嶺南水東南流來注之又

東南經胡金店長江埠南其東北雲夢境其西應城境也又東南百三十里至漢川北境劉家關司之東有孝感河支津自東北來合雲夢東水支津南流來會又南流有應城南支津自西北來會又東南至涓口塘南入漢此水源流長五百餘里又東南流至漢陽府治西北境

之蔡店司北有赤野湖水自南來會

赤野湖為漢南江北支渠總匯

分為二流一東流至沌口入江其一東北流至蔡店司入漢

漢水又東北流曰拖

路口有三里河北自應山東南流合小河諸水經孝

感而東南來注之

三里河源出應山縣北與河南界平靖關之東南山西南流經麻穰市

南又西南折而東南經十里鋪東又南經縣城東又南曰三里河又東南有一水合二溪自東來會又東

南經太平鎮東又東南有小河溪自東北來會小
河溪出河南界九里關東之馬口嶺二水合西南曲
曲流百五十里有廣水店南溪自西北來會經小河
司西又西南會三里河又南百五十里至孝感縣西
折東南流經縣城西南又東南流有支津西南與雲
夢南境八埠口支津會三里河又東南有桑始湖猶
兜湖水自西來會又東南至拖路漢水又折東南流
口入漢水此水源流四百餘里

經漢陽府城北之大別山麓東會南來之大江當江

口有巨洲曰漢口即夏口口南岸即武昌也

西二度三分極

三十度六分

自鄖西界至此又一千六百餘里源流共三千里合陝西漢中興安商州河南南陽湖

北鄖陽襄陽安陸德安漢陽七府二州之水古與大江並稱朝宗不妄也

雲夢跨江南北蓋八九百里今自枝江而東為松滋東

南為公安又東南為石首為華容濱江南岸多蘆澤

即古所謂江南之夢也

江南之夢皆首受江水支津成渠渚為澤南入洞庭北復

入江北尤巨自荊州府江陵以東潛江以南監利以

北巨陽州前後左右諸湖渠皆首受漢水支津於大澤

口之西

在潛江縣西北西南流

張集港之南

在縣正北東南流

東南流

至嘉魚東北之新灘司及漢陽西南境之沌口分流

入江者也總曰沔水

在江陵東北者曰太白湖東南曰三湖曰紅馬湖在監利大江

北岸曰家淥湖南江湖蓮頭湖大鳥湖蔣師湖大城池在潛江東南沔陽西北者曰西湖曰遷通湖曰白泥湖在沔陽南及東南者曰上洪湖官湖曰白石湖沙湖昆當湖東北曰赤野湖實為沌口上流之總會也又沔陽東北境仙挑鎮南又受漢水支津南流西南通白泥湖東南通赤野湖赤野湖有支津北會漢水于漢川縣東南境之蔡店東西地四百餘里南北二百餘里

漢水東北岸自京山天門應城雲夢孝感東南至黃


諸水所潴亦即古澤也

天門竟陵諸水東北匯為揚葉湖京山水東南會焉又東

北為三台湖應城水自北來會又東南為松湖經漢川縣城東北入漢水雲夢東有湖西南流至縣東

南分為二派一西北經城西而北會涇水一南流會揚家河俱東南至涇口入漢孝感水下合猫兜湖

於拖路口入漢 黃陂縣西南境漢陽縣東北境有
牛湖東通黃陂東南之五湖南入江 以上諸湖皆
入漢之水所豬而又
流入漢入江者也



水道提綱卷十三

欽定四庫全書

史部

水道提綱卷十四至十九

詳校官監察御史臣王爾烈

刑部郎中臣許兆椿覆勘

總校官知縣臣楊懋珩

校對官中書臣陸湘

謄錄監生臣施華

欽定四庫全書

水道提綱卷十四

原任禮部侍郎齊召南撰

入江巨川四

彭蠡所匯 章水

貢水

贛江

諸

自洞庭以東庾嶺以北澤數大者曰彭蠡為江西全省十三府一州之總會北入大江其上源曰章貢二水即古豫章湖漢也既合後總名曰章江

章水源出湖南郴州桂陽縣東之孤山

西三度一分極二十五度六分

三源合而東流為章水

桂陽縣南境山為大分水嶺凡西北麓水皆西北流入湘

江其南水皆入廣東南至番禺入海者也

章水出

縣東南山東北流經苗將司東北其北源西北自硤

石界東南流來會又東北流其最北源又

東入江西

自西北來會經集龍村南又東入大庾界

南安府界經珠子山北又東北流七十里有一水自

北山來會又東五十里有一水自西南山來會又東

北六十餘里至崇義縣西北受西南來一小水又東

經縣城北折東南流受南一小水又東北流五十里

有禮信水自西北合琴江來會

禮信水出文美營與湖南界之大山東南

曲曲流百餘里合西來一水又南流八十里有琴江西自界上山合二水東流來會又東南流合縣北一水又東南入章又東北折而東南經上猶縣西南境有口溪

坑自西南來村水合二溪北自城西來並會又東經

縣南又東稍北有九十里曲水合四溪自北來會

出水

上猶東北山南流合東來三水南流百里入章又東北經西雲山北麓又東

流曰梅江經南康縣北境有小水自南來注之東南

流過玉潭山至贛州府治贛縣西南境之潭口東有

池江西南自南康合南安府諸水東北流來會池

江即章水之南源也出南安府治大庾縣西與桂陽

界之東南大山

在內良隘之東北古源隘之東

東北流亦曰章水折

東南流八十里經南安府城北折而南經城東北又

東南有小溪自西來會

小溪出大庾縣西南與廣東界大山東流經鬱林司北又

東經小梅嶺之北過水城之北府城之南兩城隔水相望為入粵孔道又東與大溪會而東流又折

東二十餘里折西北流十餘里折東流經大里塘南

遂東北流八十里經鳳凰城南池江舖北又東北曲

曲經鍋坑舖南又東北受西南來一水又東北至南

康縣西南境有一水合二溪西北自李姑堡來注之

即上猶東南境南
康西北境二溪也

又東北至縣城東南受南來一小

水折北流經城東又北受西北一小水又東北流八

十里至潭口村東北受南來一水又東北會章江

章江既會池江東南流二十里折北流經贛州府城

之西折東流經城北貢江南自城東來會

西一度六
分強極二

十五度九分計章水與
池江至此俱四百餘里

貢水即古湖漢水源出福建汀州府治長汀縣西北山

中近西一分極二十六度七分

有兩源合而西流

其北源水之東北即汀州府西溪也

曰萬安溪又西稍南經古城司又西受南來逆嶺之

水又西入江西瑞金縣東界山中數十里至遠南稍

西有一水東北自界上黃竹山合數溪西南流來注

之水勢始盛曰貢江

黃竹山在瑞金東北界即陳石山所出之綿江水也三源合西

南流經主田寨南又南流折西南經縣城東又折西流至縣南入貢江

西南流有灞水

自北來注之又南有羅田水自東來注之又南受西

北來一水又西南有浮圖水自東來注之

浮圖水二源出瑞金

南與福建界之黃安山合而
西流曲曲數十里入貢江
又西經謝坊東又西南

經會昌縣東北有湘洪水自東南來會
湘洪水源出會昌縣東境

與福建界山西北流至
縣東貢江自北來會
又西流有雁門水合朗溪沙

河南自長寧北境山北流來會
雁門水源出長寧縣北境盤古山北麓東

北流合西來一水又東北曲東流有朗溪自東南
來會于羊角寨西北折西北流至軍門墟東受東西

來二溪水又西北折正北流經羅田墟東又北有一
水自西南合三溪東北流來會又北有沙河東自白

雲山合一溪西北流來會又北
經會昌縣城東又北入貢江
又西經縣城北又西

折西北流受西南來一水又西北有梅村江西南自

安遠縣合諸水東北流來會

梅村江即安遠水亦曰廉水源出安遠縣東南

山西北流經縣南及西境有一溪東自城北來會又北折而東北流有樂山衢孚山二溪自西合而東來會又東北經芋山南又東北至莊埠墟南又東北至洛口墟之南北入貢江東受一小水

又北曲曲八十里受東南來二水又西北七十里至

雩都縣東南有梅川水合諸溪東北自寧都縣西南

流合石城縣之鹿河瑞林河又西南合雩水來會水

勢益盛

梅川即梅江源出寧都北境梅嶺東南流有苦竹鋪東南山及大樹嶺二溪西南流合而

來會又西南流有凌雲山水自西北來有一水自東南來並會又西南至洛口村西北有南曹山水及錦

山北水合四溪自西北來會折正南流有雲南鋪東水及蜈蚣山北水自西合而來會又南折東南流受東北來一水又南受東來鼈溪水又西南受西北來桃溪水始曰梅江自源至此已二百數十里又西南至縣東有龍溪合二水自西北來有大溪合二水自東北來並會又南經縣城東南又西南八十里有璫溪西北自黃沙山有白沙水東北來並會又西南流瑞林河合鹿河自東來會鹿河出石城縣東北界山西源西南流而合又西南有溫泉水合二澗西流來會又西南經縣城西北又西南折西流有琴水自東南來注之曰琴水江又西數十里折西北流有寨溪合二水北自陽坑東南流來會又西經固口墟南西南流有一水合二溪自北來會又西南流曰鹿江瑞林河出石城縣東南與福建界之黃竹山北麓其南即瑞金之綿江源也水自北流曰秋溪水兩溪合西北流至秋口渡北有霸水自東北來會折西南流

有龍江自東南來會又西流曲曲有大栢水自南來會折西北流經瑞林司東有智水自東來注之又西北流數十里曰瑞林河又西與東北之鹿河合兩河源流至此俱三百餘里又西與梅江會 梅江既會瑞林河又西南數十里有藥水自東來注之即長樂水也又折西流有曲陽河自北來會又西南流八十里受南來二水又西稍北有寒信峽水自北來注之又西南至雩都縣東有雩水北自雩山西南流經城東來注之又南而貢江自東南來會 此水亦曰寧都水以梅川為上源與散水篔簹曲陽黃沙長樂霸水虔化諸水合受納既多源委行五百餘里寔湖漢水之別源也 經縣城南而西有

麻油水自北來注之又南數十里有小溪河合流陂水及二溪自南來注之折西流受北來二小水過三

門舖南又西有湫河合澱水諸溪北自興國縣來會

湫江出興國縣東北境寧都西北境之蜈蚣山西麓西南流有藥山西水自東南來會又西南流有沙湫

河自東來會又西南八十餘里至興國縣東北有澱江自北來會澱江出縣北境山南流九十里有甲

溪自西北來會又南有寶石水合一溪自東北來會即城岡墟東水有楊坊水自東來合者也又西南流

有文溪西北自塘源嶺東南流注之又南曰澱江至縣城東與湫江會又南至城東南有程水自東來合

一溪來會又西南有廖屋溪西北自疊山東南流合一溪來會于縣南境又南有沉水自東南來注之又

西南流經石院舖東雩山西又南又南有桃江南自曲曲西南流百數十里入貢江

信豐縣合龍南定南二縣諸水北流來會

桃江即信豐江源出

龍南縣西南與廣東東界之冬桃山東北流有熱水湖水自東來會又東北數十里有一溪自東南來會即東南源也又北數十里折東北流經松林巖西麓有猿山水西自界上東北流來會曰桃水又東北七十里至縣城西北有水尾山水西北自界上南合葛溪東南流經祿馬山將軍山來會東流過城北有渥水自南瀟水自東來會渥水源出縣南界之南宮山兩澗北流而合又北合西來之松林巖水又北至縣東南有一水東南自定南縣西界山來會又北經龍南縣城東又北與桃水會稍東北瀟水自東南來會又北經金盆山東麓又北有水自西南來注之又北小東至小江口西北有水東南自定南西北界山合三溪來注之即九洲河也又北有一水自東來注之又北有九渡河自西南來注之曰桃江又東北至信豐縣城東南又北流有大樂水西南自龍潭石君山合四溪東北流經縣城西北而東來會又有一水東

南自安遠縣西境之九龍山黎山西北流合五溪經小坑舖南又合南來之黃沙埕水而西北來會又有南水舖前溪自西來會桃江水勢益盛東北流有一水西北自楊舖東南流合二溪來會又東北曲曲經贛縣東南境陳四舖西又東北受東南來一水又東北入貢江 此水源流行五百里入貢江巨川梅江為最大桃 貢江又西流有一水自東北注之又西至江次之

崆峒山東麓折北流經府城東而北與章江會曰贛

江府城南有崆峒山章水自西來貢水自東來夾山左右麓而北經城東章水自西折而東經城之北

貢水自南來會俗稱章為西江貢為東江也 貢水自源至此行七百餘里受數巨川實較章水為尤盛

合處西一度七分 極二十五度九分

章貢合為贛江自府城東北東北曲曲流多險灘

古稱贛灘

三百里

又北折而西北有水西南自分水坳合二溪東

北流來注之又北至萬安縣東南境之灘頭鎮西有

蓼水自東南來注之

在萬安縣境有十八灘而惶恐灘最險

又西北至

皂口有皂江自西南來注之

皂江即皂溪源出贛縣西北境之金船山東北

流合分水坳北三溪又東北七十餘里至皂口司入贛江

又北有油田溪自東來

注之又西北至縣城南有龍溪自東來注之經城西

南有遂江西南自龍泉縣合諸水來會

遂水源出龍泉縣西湖南

界之萬羊山東南流九十里有一水自北來會又東流有一水自書山來會東北流曰左溪有大汾水西北自燕塘隘東南流合北來林陽溪東南來會又東有新溪自北合二水來會又東有右溪自南合二水來會又東經縣南受南來一水又東受南來湯村水又東北流有霄溪西北自拔鐵山合二水東南流又合敖溪來會又東北九十里至萬安縣又北經城西西南入贛江此水源流行三百餘里

而北折東北流七十里有常溪自東南來浩溪自西南來並會又北經觀庄西又東北至泰和縣西南有

牛吼江自西南來合澄江來會

牛吼江上源曰未溪二源出永寧縣東境

拔鐵山北嶺東南流合又東南有蜀水自西南合二溪來會又東南有二溪自南合而來會又東有射川

水自南來會又東北流至秦和縣西境曰牛吼江有澄江又名環川自西北來會東流入贛江曰牛吼石

又東北經縣城東南有雲亭江東南自興國縣境

來注之曰珠林口

雲亭江即縉水出興國縣北境山北流經雙鳳山東又西北至秦和

東之珠林口入贛江

又東北至水泡塘西有仙槎水合一溪自

東南來注之

一溪之源即甲溪源北山也

又北經鐵橋塘東折西

北流至吉安府治廬陵縣東南境神岡山下有盧水

西北自安福縣東南流合西南永寧永新二縣諸水

來會

盧水即廬水為豫章十川之一源出安福縣西二百八十里與湖南界之盧蕭山東流折而南

數十里有水自西界來會折東北流受西北來一水又東流數十里有赤谷水自北山來會有洋澤水自西南來會又東有寨木坳水南自羅塘司來注之又東北有岡山二水自西北合而來注之又東曰盧水河至安福縣城西北有郭水自北來注之又東經城北稍東有荷溪自北山合智溪南流來注之又東折而東南流有王江合毛亭水閔水自北流來注之南流至絲毛舖西有金田水西南自大橋東北流合縣南境冷水坑數溪來會曰洋口又西南流經荷山舖西岡舖南又東南經螺江舖南即府城西南境也有禾水漿水合諸溪自西南來會漿水別源最遠曰永河出永寧縣東南柘湖山西北流數十里有二溪一北自鷺嶺一東自拔鐵山西麓西流合而來會又西數十里經縣城南又西有黃烟堡水自南來會又西北有漿水自西南茶陵交界楓溪巖之北東北流七十餘里來會以下總名漿水又東北流八十餘里至

永新縣西南境曰勝業水與西北之禾水會 禾水
源出永新縣西北境秋山東南流經栗村司東又東
南流有琴川水西自湖廣界山東流來會又東流會
南來之永寧漿水曰永新江亦曰潞江東至永新縣
城西南有二溪自南來合而北注之東過城南折東
北流九十里有一水自西北來會又東北折東南流
數十里有天河自西南來注之折東北流經敦城司
北又東北曲曲百數十里至廬陵西境螺江鋪南與
廬水會 廬水既會永新江東南流有芑水自西南
合高湖山水東北流來會又東經府南入贛江即神
岡山下也 廬水及漿
水源流俱五百餘里 又北經府城東又北稍東有

真君山水自西來注之經螺子山東麓有橫江合朗
溪三水自東南來注之又東北至吉水縣城西南有

恩江東北自永豐縣合諸水來會

恩江源出寧都東北界廣昌西北界

樂安東南界苦竹鋪梅嶺北之大龍山兩源北流而合曰遠溪水有徐庄水自東來會北流數十里有鹿角峯西水自東來會又北流曰前團水有湖平水自西南來會又西北流至樂安縣西南境有鷄籠山水東自縣城南西北流來會折而西流曲曲百六十里至永豐縣東南受東北來一水又西經縣城南而西南流有一水北自城西來注之又西南有焦嶺北水合南曹山嶠嶺數溪自東南來西北流經藤田鋪南而西北注之此水頗盛又西南流有皂水自東南來注之又西受北來之吉陽水及東南來之烏水又西經吉水縣南曰明德江又西入贛江

此水源流行四百餘里又北經縣城西而北

經三曲灘東北流有南溪水自西北來注之又東北

有楓子江自西北合二溪經富田壩來注之又東北有黃金水自西北黃皮村合二溪及洞水來注之又東北經陽山西又東北經峽江縣城東南玉笈山西

麓又東北有烏河自西合數小水來注之

烏河出峽江縣西北

境有牛頓虎嶺二水合而東流曰淺江又東南有覺水自南來會澀水自北來會又東有一溪自北來會又南入又東受北來沙溪水過仁和鋪南又東至新

淦縣西南境有象江涇江自東南合而來會

象江即永豐縣

北之郭山水也二源合北流有樂門山水自東南來會又北流數十里與涇江會涇江出縣東境柘山

閩南麓南流曰涅水西南流七十里有大盆山水及豐溪自南合而來會西北流八十餘里郭山水自西

南來會北

入贛江 又北有高嶺水自東南瀦為小湖來會

即新

滄南水也 有一水自西來注之又北經縣城西北折東北

流循山麓凡百里至臨江府治清江縣東南境清江

即贛江也亦曰章江分為二支一支北流折而西二

十餘里又折而北有秀江西南自新喻縣會萍鄉宜

春分宜諸水東流來會即袁江也

袁江曰秀江即古南水為豫章十川

之一源自萍鄉縣東南之羅筍山羅筍水出焉分流為二派其西北流者合縣北之萍川水西為湘東江

入湖南醴縣界入淶水下流注洞庭湖其北流者即
秀水也兩源在羅篋山東北與赤谷水岡山水隔一
山西北流合而西北有水東自江西鋪來會又北折
東北流經縣東境又北至瀘溪鎮南有一水西自萍
川之東來會相隔地僅數里萃川西南流經縣城為
湘東江此水東南流入秀水秀水自源至此已一百
五十里矣又東北流至宣風鎮北有一溪自南來會
又東北經七星鋪北又東北有坑頭嶺溪自西北來
合羅漢山水東南流來會又東至袁州府城西北有
清澗江自南來經城西北注之東過城北有石屋
山水自西北來注之折東南流有老山水合一溪自
南來注之又東有白沙水自北來一水自南來並會
又東稍南有洋江赤江俱自北來注之又東南經分
宜縣城西南又東南受北來之鍾山水南來一溪又
東流經鍾山峽至新喻縣界曰喻河東經縣城南稍
東有睦官水自南來注之又東稍北受南一溪水又

東受南來灼水又東有長宣江自西北合二溪來注
之又東有瑪瑙山水合東北來之陰岡嶺水南流來
會經雒湖鋪南又東有沼河自南來注之折東北流
至清江縣東南境有皂溪自西來會又東北入贛江
此水源流既會袁江東北流經府城東又北折東
行六百餘里

流與支津合而北經樟樹鎮西江許司東有蕭水自
西來注之折東北流至豐城縣西南境又折北流經

縣城西蓮花湖之東又北有豐水南自柘山關北流

合東南數水來會

豐水二源出柘山關北流而合又
北數十里合西南來一水又東北

經縣南境數十里有富水東南自羅山合二溪西北
流來會又東北有槎水東南自萬家橋西流合南一

水西北流經雷家鋪西來會又北岐為二支一東北

又西北流至縣北入贛江

流受南來三小水

次曰雩韶水自鍾城山西北流注之

又東北中有巨

洲又東盱江之支津東南自建昌撫州二府來會西

北流經南昌南境之猴村東又北有巨洲又北至南

昌府城之西南

盱江見後

一西北流經新店西有杭水自

西南合藥湖水東北流來會又東北百里有錦江即

古蜀水西自瑞州府來會

錦江見後

東北流經留田鋪南

河泊所北章江之正派也又東北至南昌府城西南

與東支津復會江流甚盛北經城西

其西即南昌銅嶺及西山也

中偏西六分極二十八度七分

又北分為二派又東北支渠無數連絡

交錯入鄱陽湖支津東北出者會南來盱江支水及

東南來廣信府上饒江水于三江口入湖

廣信府上饒江見後

支津西北出者會奉新安義之馮水靖安之雙溪水

與寧州武寧之修水並會于建昌縣南而東入湖

修水

見後章江自貢源至入湖已一千九百里

盱江即古盱水亦曰臨川江亦曰汝水亦曰東江源出

廣昌縣有三處一曰小勳溪出縣東南與福建界山
即白蓮池之東北山也西流曲曲百餘里折西北至縣
西南境一曰巴溪二澗出縣南界血木嶺北流合而
北數十里來會又北有雩河自縣西南山來會曰盱
江東北流有一溪自西北來會東經縣城南折東北
流受東南來一水又東北受西北來二水一曰菽河
自西北大
樹嶺東又東北受西北來一水自南豐西南境
筆架山東南流又東
北南流至南豐縣西南有軍港水西自軍山來會東流有

大南河自東南與福建山來會東北經縣城東南又

東北受東南來一水又東北有石溝水東南自蟠湖

隘來會又北有兜港自西來注之又東北有一水自

西南來會於水口鋪東又北受東南來一水

水東有湯塘泉

又北至建昌府治南城縣南受西來一水又北經府

城東稍北有新城縣水自東南來會

新城縣水即黎水飛猿水及五

福港也有赤溪出縣南與福建界之黃土關北流折而西北會東南來之游源水又西北流經縣城西又西北有桃溪自南界得勝關之西山北流合西南之九曲水東北流來會又北稍西至硝石鎮西有資溪

源出東興福建界之杉關即五福港也西南流合東
南來之洵溪及黃土關熊村水又西北流經藍田鋪
南又西北受東北來一水又自此而北曰東江折西
西北至硝石鎮南入盱江

北流數十里受西南來之岳口東水又西至藤橋鋪

北有金谿縣水自東北來注之

金谿二源一出縣東北山西流經縣西北

境而南一出縣東南山西北流而合西南流經苦竹
鋪南又西有嵩溪市西二水合西北流經后車鋪西
來會又西南流至藤橋鋪之北入盱江又西稍北經白塔鋪東又北曰

汝水至許灣鎮西受東南來一水又西北受西南來

一水又北稍西經撫州府城東折而西北有臨水西

南自崇仁縣東北流合南來宜黃縣水經府城西北

來會

臨水源出崇仁縣西南之巴山即臨川山也北流有樂安縣北境諸水自西南合而來會源較

臨水

為甚遠即唐水也

唐水出樂安西北境之大

益山南流為大溪有寶溪自西來會東南流受西南

來一溪水又東經縣北折東北流有十洞水自東南

來會又東北流曰蛟河有殷方水西北自桃嶺來會

又東北北受一小溪南會臨水自源至此二百里寔

臨水

上源也臨水又北至崇仁西南有一水西北

自西羅山之南來注之稍東有西寧水南自華蓋山

來注之又東北經縣城東南折經城東而北又東北

有羅山水自西北來注之又東有孤山水自南合二

溪來注之又東北百二十里至府治臨川縣西境有

宜黃水自南來會宜黃山出宜黃縣南南豐縣西北

境軍峯山之北之棘柱嶺北流合西南來一水西北流

合西一水又北經老埠村東北有黃水西南自鹿角
合二溪東北流又合西一水又東北經老埠村西北
合西一水來會又東北至縣東南有宜水南自麻坑
村東北流合東來漳水西北流來會又東北經城東
而北有曹水西自迎華山東流經縣北而東來會又
東北流至長山鋪東折西北流經臨川縣南境至縣
西稍北臨水自西南來會東北流經撫州府城
西北又東北與盱江會 此水源流行四百里 又北

稍西有櫛山水自西界橋南合一溪東流來注之東
受延橋北水又西北至桂家村西北岐為二派一派
西流折而西北百五十里於豐城縣東北境與章江支
津及雩韶水通又西北經猴村鋪東又西北至南昌

府城西南有巨洲又北與西南來之章江會一派北流

折西北經進賢縣西南境又西北至館頭舖西北有

東鄉進賢水自東南來會

水出東鄉縣東境山一自東北來一自東來一自東南來合而西

流經縣城北又西受北來南來二水又西南數十里受南一小水折西北流至進賢縣東南受南一小水又西北經縣城又西北經得江嶺下分為二派南受小港水又西復合又西受南來之羅溪水又西北入盱

江又北至謝埠折東北流百餘里有落港水自東南

來注之

港二源出進賢縣東南之六山舖及徐橋埠東合西北流經縣東北之龍馬洲東又西北百

數十里經欽足嶺東北又西北入盱江

又北岐為二派一北流曰竹山

溪至新建縣東北境趙家園之西與章江東北支津
曰螭溪北港者會東北經三洞湖至表安村東北入

鄱陽湖

當口有大洲小洲各一
其西即表安西北口也

一東北流受東南來

之古路水又東北至几山東南西會趙家園南支津
東南會廣信府之上饒江水北入鄱陽湖曰三江口

指章江盱及上饒江也源流千三
百餘里此口于湖為正南有小洲

上饒江即玉山水亦曰安仁港曰錦江有二源 一為

玉溪出玉山縣東稍北之懷玉山與浙江常山縣界

草平鋪之西大橋鋪之西北分二流東流者為信安港之上源東

入浙其西流即玉溪也亦曰上千溪西南經縣城東

南西流有古井潭水自北經城西來會又西南流至

崙溪鋪西南有冰玉水東北自子午口南合二溪西

南流來會子午口在縣東北白石街之西冰玉水西南流有落馬潭水自西北界來會折南流

有汪村潭水自東北來會又西南至崙溪鋪西南合焉又西南至廣信府治上

饒縣東北境有楮溪自西北來會楮溪即靈水也源出上饒西北之靈

山東南流數十里有一溪自北來會南流有五瑯溪自東北來會又東南數十里與玉山水會又西

南經府東境折西流經府城南稍西有永豐溪自東來會 一為永豐溪出廣豐縣東南與福建浦城縣

界之漁梁山北三源

當浙江福建之界在浦城西北境其東南水皆入建溪其東北

水皆北入于浙者也永豐源一出漁梁汎之北西北流折而東北至小關驛北會東來一水又北至楓嶺汎西有一水北自江山縣界西南流來會又西稍北流過黃家橋南又西至二渡關木城關之南入江西廣豐縣界又西北流經太平隘南又西北過封禁山隘又西北至府東南境而永平諸水自廣豐縣城合諸溪來會 永平溪出廣豐東南與浙江界山二渡關之東山西北流至縣東南有永豐溪自東北來會永豐溪出縣東與浙江界頭草坪關之南大山西南流合東來一水又西南流合永平溪西北流經

縣城南又西南至洋口鎮北受北來之扈水又西南合浦城水總曰永豐溪又西北至府城西南而玉山水自東來

二源既合西流曰上饒江有一水自北合二溪南

經府西來會又西南至鉛山縣北境分為二派一西南流

會東南來之岑陽關水

岑陽關水出浦城縣西北漁梁山北麓具東北水即永豐上源

也此水西流數十里經岑陽關北入江西界西北流經封禁山之南又西北有七廬水自東北來會又西北折西南流有橫溪河自焦嶺關西北又西會南來鉛山縣流來會又西北會上饒江南之水

之東西溪曰汭溪

鉛山東水曰車盤水源出縣南與崇安縣界之分水關嶺其南水即崇水

東南入建溪者此水東北流合西南來一水又東北流有一溪自東南界合溫林關掠竹關二水北流來會又

北合東來一水折西北流合西來一水即彭溪也又西
北經鷺湖嶺南又西北經縣城東北折而西會西南一
水鉛山西水曰桐木水出縣西南與崇安界之桐木
關其南水即望溪東會崇溪者此水北流有馬陵關北
水自西南來會東北流又合東南來一水又東北百里
至縣西稍北與車盤水合曰汭溪又北流入上饒江曰
汭又西北而一派西北折而西南二十餘里受北來二溪合

焉又西流經興安縣南境弋陽縣東南境有大州溪南合信

義港翁源及雙港水北流注之

信義港出石佛司北

又西北有潦源水東

北來注之

潦源出興安北境山中東南流經縣城西北又南有水東來注之又西南入上饒江

又西北

曰葛溪有弋陽溪自東北來注之又西經弋陽縣城南稍

西有水自北合二溪南經城西來會折而南流有軍

陽水自東南來注之即蕪溪也

亦曰貴溪

又西受北來一

水又西南經貴溪縣城南而西有須溪南自雲際關

西北流合數水來會

雲際關南與福建光澤縣界水自關北流折而西北數十里有

茶山東北水自南來會又西北經火燒關東又西北折而北流受東南一水又北流稍西受西南一水又

西北受南一水又西北至縣城西南與上饒江會又西北流至縣西北有山

水自北合數溪西南流來注之

貴溪縣北境水也山水自徐克塲東南流

數十里有佛老嶺水自東北來會又南流受西來一水又南有一水自東北來會折西南流北受長溪水

南受縣北箬溪
水西入上饒江
又西北折西南流受南來馬鞍山西

水又西北流八十里至安仁縣東南境山白塔河南

自瀘溪縣合杉港茶山清田諸水經龍虎山而西北

來會

白塔河二大源一出瀘溪縣東福建光澤縣西北境之大禾山南沿岱村北西流經鐵牛關南入

瀘溪界經縣城北大山南折西北流有縣西南二溪北流合而來會又北流受西南一水又東北流受東

南來一水是曰杉港又北而茶山水自東南來會

茶山水出光澤縣北境大山中西北流數十里經茶

山隘西入江西界又西北與杉港合又東北流至紫雲鋪西折西北流經金貴鋪北又西北曰上清水以其北即龍虎山也又西北有清田水南自金谿縣東南山東北流合東南來一水折西北流受西南來一水

又北折東北流會上清水北流曲曲數十里折而西
流曰白塔河又西北流經掃帚嶺東至安仁縣東南

與上饒江會

此

有惠安溪自東北來會

惠安溪自白鷄山西

南流合東來一水曰惠安溪又西南流入上饒江

又西北至城東南曰安仁

港有金盤山水自東北經城東來注之又西經城南

而西又西北南受穆皇山西水又西北經黃田舖南

又西北經撥雲峯東麓曰錦江又北至餘干縣東南

境折而西南經縣南境又西北流有潤陂水自南合

陽林舖水北流來注之又西北受南來一小水

即流落山

也東水自縣界至北總曰龍窟河又西北至三江口與

盱江章江支津北會入鄱陽湖

湖口有洲其西北即几山大洲其東北康

山也口在南昌東北餘千西北饒江源流行八百里所會諸水亦多

瑞州錦江即古蜀水源出萬載縣西北與湖南界之大

圍山雲峯洞東南流數十里有一水自西北來會又

東南有劍池水合二溪自西界來會

西界有金鐘淵及龍成巖之水

皆會入焉又東流曰龍江經縣城北又東折東北流經紫

蓋山南荔子嶺北曰楊木江受北來康樂水又東經

上高縣西北境之凌江口有藤江西北自新昌縣合

臨江諸水南流來會

藤江有二一曰長藤江出新昌西北黃岡洞之西北山隔山北

即寧州修水也此水于山南三源合東南流經黃岡鋪西又南數十里折東南流有一水自西南黃土嶺

東北流合血樹坳二溪東流經金鷄山之北來會曰長藤江又東受北來之藤江水及鹽溪水北藤江

出縣北天山有鹽溪自西北雙丫尖來會南流經黃茅嶺東又南經縣西而南會長藤江水又東經縣城

南又東南流有臨江自東北山合二溪南流經縣東南境來會又東合北來一溪水又東折西南流至臨

江口與楊木江會揚木江東南又東南流有靈江

流合此水勢始盛實蜀江北源也自北合數水來會

靈江出上高北境之靈源山及西洞山二源南流而合于太平鄉之

東清涼山之西曰崇浦江又南合西北太平鄉來二水又南至縣北境曰靈江折而西南流經縣西南入

楊木江

又東南經縣城西南又東南折東北流有斜口

水南自蒙山合一水來注之

斜口水出縣南境蒙山北流折而東北有寶珠

嶺水自東南來會入北流至斜口入楊木江亦曰界埠會水

又東北曲曲經青山

西受東來華陽水又北曰蜀江折東流至府治高安

縣西境有鳳嶺水合二溪自北來注之

此水東南流經鳳嶺山霞

山尉山之西麓

又東有龍口水自南合二溪來注之

龍口水出縣西

南境山東北流有碧雲峯水自南多寶嶺水自東南合而西北流來會又東北數十里入蜀江又東

至府西南受西北來蓮花山水

瑞府西水也

又東經府西

南受南來鐘口水又東受北來城東水曰錦江又東

受南來之琴嶺水又東受北來一水又東稍北有曲

水自南合二溪來注之

曲水出鷄籠山之北北流有羊山水自西南來會又東北

流有藥湖北地一水自東南來會又東北流入蜀江

又東北至烏溪鋪西南有

逍遙山水自北來注之又東至南昌府治新建縣西

南境象牙潭與南來豐城之章江會而東北經南昌

府城西又東北入鄱陽湖

蜀水即筠水為豫章十川之一源流行六百餘里南

昌之西山派自新高安上高北境之山連接而東北遂為西山其北水皆入馮水其南水皆入蜀江

蜀江以北曰奉新安義之馮水曰靖安之長溪皆東與章江支津及寧州之修水合而入湖修水最

大

修水亦曰修河亦曰西河源出寧州西南與湖廣界之

幕阜山

亦曰大阜山北曰青龍山

兩源合而南流合西來血木

山黃蘗山二水

二水自大阜相連而南又南為仙羊寨山俱西與湖廣界

又東南

至銅鼓營東江頭村西有扯河自西南來會即修水

西南源也

址水兩源出西南與湖廣界大山合流而東百數十里經銅鼓營南又北流會修水

東經江頭村南

又東北流數十里折西北流經葡萄村西又

西北至山口村西

即青龍天阜之東麓支峯也

又東北曲曲受西

北來一水又東北至州西南有南樓嶺水西北自崇

鄉東南流經南屏山合西南馬市一水來注之水勢

始天亦修水北源也

崇鄉東西北三面皆湖廣界其山東南相連為州北境諸山又

東北為九宮山赤岡山武寧西北境

又東北經州城東南有額坳嶺水

自南合彌玉山清涼二山水西北流注之又東北數

十里有鶴源水北自九宮山南合一溪來注之

九宮山甚

深

又東北曲曲受北來赤岡山水南受陳坊山水又

東受北來東延山水及九宮東水又東受北來一水

又東有白石港南自茅坪東南山合二溪北流經柳

山來注之又東受北來一水

武寧縣
西水也

又東經武寧縣

城南又東受北來城東之水又東北受北來一水又

東受西南來一水又東北有紫鹿嶺白羊山水自西

北來注之折東南流受西南來巖陽山水又東南經

白崖山有灘溪西南自洪屏山東北流經朱家山猴

子崖來注之又東南經尖山將軍山南麓又東南至

建昌縣城南有靖安縣長溪及奉新安義之馮水俱

自南來會

長溪源出靖安縣西北九仙舖之西北山其北水即茅坪溪北流入修江者此水東

南流山中曲曲百里至縣西北山雙溪水西自寧西州界毛竹山合兩水東流來會又南至縣南有石掌

溪西南自雙峯來注之又東南經縣城南折東北流至東北境有一水北自牌樓下山合東一溪東南流

注之又東北流經安義縣北境又東北曰皓源水又東北至建昌縣南境而馮水自南來會馮水出奉

新縣西北與寧州界之百丈山即寧州東南境東嶺之東北山也東流經南坪橋南鯉魚山北東北曲曲

流折而東南合西南來謝山之水東北流有洞山及北嶺水合自西北來會東南流受西來一水又東南經藥王山西南麓受諸溪澗又東流受南來李家山水又東受南來華林山水又東受白鶴山水皆高安北境山水也又東受北來之龍溪水又東受奉新縣城西水東經縣城南稍東有米嶺水合高胡山水自南來注之又東北數十里經安義縣南境有白雲山水自南來注之白雲山東北即南昌之西山諸峯嶺也修水又東北受西來縣城南二溪水經安峯桃花嶺翔鸞山之北曰龍江分為二派一北流經牛頭山西麓至建昌縣東南境與西來靖安之長溪會而北合于修河一東北流經牛頭山東南麓東北至老鸛嘴北與修河之支港會又東北至赤岸山北又會支港東北至松門之北吳城鎮之南入鄱陽湖馮水源流五百餘里

修水於建昌縣城南分二派中有巨洲一南

經洲東南流會長溪馮水東北流又分二派曰慨江
口一東經丁家山南會馮水支津及章江支渠北流
者于赤岸山之北又分二派一東北于松門北吳城
鎮南東入鄱陽湖一于建昌城南東北流受支渠水
又東北經丁家山北東北於吳城鎮之西北入湖

西北即德安水口也
河源流行九百餘里

修

章江自南昌分派甚多其最明三支一東北經蟠
溪南北港南又東北至竹山溪東會正南來之盱

江支津東流經趙家園南凡山東南會盱江及東
南來之上饒江於三江口北入湖也一東北經蟠
溪村北馬湖塘之東三洞湖之西東北分二支夾
飯羅村而北一於焦尾東入湖一於曲尺港楊家港
之東入湖也一北經蛟橋東孫家洲西又北經新興
舖又北至冷溪分為二派其東流者東經馬塘湖
曲尺港南會支津北至楊家港東焦尾西入湖其
北流者至老鸛嘴又分為二一北會馮水支津由

赤岸左右而北復合修河支津又東北至吳城鎮
又分二口一北於丁家山北會修河入湖一東北
于松門之西入湖也章江合南安贛州吉安袁州
臨江瑞州及建昌撫州之水經南昌又東會廣信
西北會寧州之水以瀦為巨澤漢志所以總名為
湖漢水也三大港于湖之西南及東南上源已畢
惟饒州府之鄱陽江于餘干康郎湖之北入湖者
亦為巨川

鄱江即古番水有二源一曰婺河出江南徽州府婺源

縣北之大廣山自塔坑鎮西南合二水

其北隔山即浙源東北至

五城鎮合

西南流數十里有龍尾山水自西北來會

折東南流會茗坦村水于汪口村東

茗坦村在塔坑西南有水西南

曲曲經江灣村東又南西至汪口村之北西入婺

又東南經古坑村東折西

南流數十里經縣城東南曰婺河又西南百里經太

白司南又數十里至曹港口南入江西界經德興縣

北界西南流經桐林鋪西北有一水北自鳳遊山西

南流注之又西南經樂平縣東境曰樂安江有大溪

合諸水東自德興縣來會

大溪自婺源界山西南流即三清山水也有靈山水

東南自北前村西山西北流來會西流有一水自東北來會始曰大溪西南流經德興縣城北有林河自

東北山來會西南流有石入峯水合二溪自東南曲曲西北流經縣城南而西來會又有一水南自毛嶺

北山北經界田鎮來會又西南有建節水南自陽林舖來會又西流有福泉山水西北流合一溪來會折

西北流至樂平東南境與東北來之婺源河會源流三百餘里又西稍北經樂平縣

城南而西有拏舟村水自北來經城西而南注之

樂平

北水也東北即烏聊山山之東南即鳳遊山水水又之西有龍停湖周十數里又西二十里即此溪

西稍南百里經古城南石頭街北西北流經高沙灣
南又西北至饒州府治鄱陽縣東南境有餘水東南

自萬年縣西流合餘干縣水北流來會

餘水出萬年縣東北仙鶴

山西南流經縣城東南有竹屯河自東南山西北流來會又西北經城西又西北流六十餘里至餘干縣城西北有二溪合而南經城之西折而東經其南遂東北七十里來會即餘水為十川之一者也又北流受西南二小水東南一小水又北而發河自東來會又北於府城之東南會

東北來自祁門浮梁之昌江 一曰大共水即祁門
南河源出祁門北境大共山中曲曲南流曰梅溪

經縣東北之梅溪鎮東又南西南流有山溪河東北

自黟縣西北嶺西南流來會又西經縣城南又西南

曰南河有歷河西北自擗根嶺合界河水東南流百

餘里來會

山溪河東隔一山即黟縣城西之浙源也界河西即江西界大山

又西南

至倒湖村東入江西界經浮梁縣東北境曲曲而南

經大寒嶺吳嶺之北有小北港水自西北來會

小北港水

出浮梁縣西北境高陂蒙嶺及分水嶺二溪合西南流至大惟鋪西南有一溪自北來會又東南流至山

麓折而南流與大河會

又西南經洞庭山北又西南至縣東有

渭水東自吳嶺合高嶺水來會又西南經城東南又西南至景德鎮北受北來赤嶺水及西北來南坑橋水稍西受東南來鳳遊山北水及柳家灣水又西過界牌鋪南曰昌江又西南百里至雲龍山南折而南流經府東北境求仁湖上東湖之東白鹿山之西折西南流經下東湖南又西至府城東南而婺河自東南來會二河既合曰鄱江西經府城南又西南有西湖水自北來會又西南入鄱陽湖湖口正西對康山

在餘干西北康郎湖之北南昌東北
三江口之東北也此水源流七百里
西湖水南通鄱

江北為上湖珠湖又北為烏玲湖會鄱陽童子石二門

港水西入鄱陽湖

童子港出鄱陽縣東北境與江南
界之浩山南流有東北蒙嶺及分

水嶺水合而西南流來會又西南流有港口水一出
北斗嶺西南流一出福峯西北流合而西經雙鐘山
來會曰童子港又西南經鐵藍山西又南有上藍村
南水自東北經塔水橋雲龍山北而西南來會又西
南至府西北匯為烏玲湖石門港出鄱陽北境石
門司之西北山二源合東南流經司南曰石門港又
東有一水自東北來會又南曲曲經烟沖山論石嶺
東麓又西南至烏玲湖會童子港及珠湖水西入湖即
鄱陽北港口也童子港源流四
百里石門港源流二百餘里

鄱陽湖滙章貢諸水為巨浸亘南昌東北饒州西南康東

九江東南四府南昌新建東北建昌東德安東星子東南德

化東南湖口西南都昌西鄱陽西餘干西北十縣之境東西

廣四五十里至百里南北長三百里三江口中偏西一分極二十八

度八分湖口德化中偏西三分極二十九度九分形如葫蘆中為細腰即南

康星子之東南都昌之西北也南曰宮亭湖族亭湖

北曰落星湖曰左蠡湖實一水也湖自三江口康

山而東北為鄱陽兩口又北而西經都昌東南黃金

嘴入西北經縣南湖中有磯山當縣西南稍西有黑

山東有甲山東南有茗莧山

自此而南湖心東西濶百餘里其西南與南昌

東北之焦尾相望

北經縣西有馬家灣水自東北元辰山合

數水來注之又北為山麓石流嘴又北為左彘司

湖至

此甚狹西望南康城僅三十餘里

又折而東北有馬幾山水自東南

來注之又北為屏風山又北為沙洲經劉家市西北

有白羊湖水口又東北為湖口縣東南之西倉湖又

西經縣南稍西為鞋山

鞋山在湖正北西與大孤山隔水相望

又北為

湖口 自三江口而西北為几山為表安東北沙洲

又西北為焦尾又西北為松門又西為吳城鎮以上皆支

渠入湖之口又西北為德安縣東南水口博陽水合廬山

水自西北來注之

博陽水出縣西南樟樹坳東北經城南又東與東北來之廬山水及

諸溪會

廬山水出縣東北之廬山曰谷簾水西南

流有五乳峯水自東來會又西南會數水折東南流

會北來柵嶺史君二山水又東南有紫竹林水自西界

東南流合北來鳳凰山石鼓山諸水又東南來會又

南有縣北水自西而來注之又有清風嶺水合龍

山鋪水自東北來會又南經縣城東又東南入湖又

東北為渚溪又北為羊關頭又北為南康西南之福

星洲

南康北倚廬山
東南面彭蠡

又東經府城東南

正南對南昌
之松門徑百

餘里東南望左蠡
司岸僅三十餘里

又東北為德星石

西北岸即
桃花鋪

又北

經甘棠鋪東

自北而西即白鹿洞
雲峯正當南康北境

又北而湖漸廣

東望屏風山五十餘里
東北望鞋山六十餘里

又北稍西經吳帝鋪東其西

即廬山之五老峯也

廬山為南康北
界九江南界

又西北經九江

府東南之大孤塘南

大孤山
在北岸

又東北至鞋山西北東

為一江

濶十
餘里

東北經湖口縣城西北會大江

中偏西
四分強

極三十
度弱

章江自源至湖口縣西北入江共行二千三

百里

水道提綱卷十四

欽定四庫全書

水道提綱卷十五

原任禮部侍郎齊召南撰

江南運河

自京口東南至浙 太湖源流

江南運河自鎮江府治丹徒縣西北之京口

正北對揚州府南之

瓜州西口江心有金山山之南即渡舟所經也口西南岸即銀山亦曰蒜山運河經其麓

南經府

城西稍南入閘折而東經城南又東十餘里經丹徒

鎮南又東折而東南有支港北流注大江

支港在丹徒鎮東其

入江之口在府城東北十餘里又東南經新豐鎮西上下練湖之東

練湖自北而南長數十里形如葫蘆腰細在運河西岸北曰上練湖當新豐鎮之西南南曰下練湖南至丹陽城西運河之西岸至丹陽縣城西北分絡城之左右而南

其東經城北者東北分一支為九曲河東北至包港

鎮北入大江

包港口在丹陽東稍北七十餘里口對岸正北為泰州境正東為泰興縣西境

運河至城南有南運河南自溧陽金壇北流會長蕩

湖支河及太平河來會

南運河源出溧陽西南之胥河西北之舊縣上興河縣南

之戴埠河者會於縣城實東南至宜興東入震澤為荆溪之上源見後太湖卷運河自縣城北西連上興

河東連徐舍河北流數十里會東北之崑崙河即長蕩湖西南支津也又會西南來上興支津之南渡河又北流三十里會西南來上興支津之北渡河又北流有金壇西境之茅山水自西北來會而長蕩湖正西支津亦自東南湖溪鎮來會焉又北至金壇縣城西南分經城西南二面其東經城南者於城東南有長蕩湖西北支津亦曰運河自東南來會折而北經城東有直塘河東通常州府城稍北分一派東北流又分二派西曰丁義河東曰白鶴溪其正支北經城西又折經城北會東支水北流為南運河經延陵東鎮之西又北數十里分為二派一東北流正支西北流至丹陽城南有太平河西南自延陵西鎮東北流來會又北入運河長蕩湖亦曰洮湖在金壇東南宜興西北其水亦東南入震澤見後太湖卷又東

南流會南運河東北出之支津又南數十里會南來

之丁義河又東南會南來之白鶴溪

丁義河白鶴溪即金壇城東北

分南運河一派東北流而又分為二派者

又東經呂城鎮

鎮在丹陽東南六十餘里

又

東南經奔牛鎮

鎮在武進西北五十里

稍東南分一支曰孟河

北流百餘里入大江

口在孟河城之西北即包港鎮之東南也

又東至常

州府西北分一支曰橋河即得勝港東北流九十里

入大江

口在孟河口城東南三十里

又東至府城西北隅分一支

曰新園河東北流百里入大江

口在連江橋河口之東南十餘里圩塘鎮

之西北其北岸即秦興縣南河口也

運河分為二派其一經城西而南

有直塘河西自金壇城東來會

即南運河支津東
西長百二十里

折

而東經城南有長蕩湖東北出之支津自南經舊塔

鎮北流來會即宜興城北之運港也

自宜興城北
流分數支港東

入太湖其北流者為運河北數十里又分支津東南
入太湖其北流者經鐘溪司西北會長蕩湖東北出之

支津又東分一道東通無錫其北流者經舊塔鎮
西又北曲曲流五十餘里常州府城南與運河會其

一東經府城北而東分一支為山塘河通江陰縣南

諸河又分為二一北於君山入大江

口在江陰城西
北之君山西正

北對隔江
之靖江縣

一東曰橫河東入大江

口在江陰東六十
里正東岸對隔江

通州西南
黃泥山

其南經府城東會城西南水東南流又東

分一支曰曹港河東至四河壩北達江陰東通常熟

東南連崑山太倉者也又東南經橫林鎮西又東南

至無錫縣西北境東分一支北流曰亭塘河東北會

諸渠於四河壩以北達江陰東流匯為聞庄崇村西

坪三蕩北會黃泥港泰和塘二河及嚴塘河東北至

楊舍鎮東入大江

口在江陰東南百里
東北岸即通州狼山

而東南支渠

曰長涇白湖直接常熟

見後

運河又南有湖埭鎮北一

水自西接溧陽西南接宜興西北接金壇東流來會

湖埭在宜興東北百里其水西北分長蕩湖支津西南分宜興東北下邳鎮諸水東流至無錫西北入運

河又東南至無錫縣城分絡左右而南有太湖北口

於城西南相會

太湖在無錫城西南十餘里凡支渠分洩湖水者皆見後

運河自

城之東南東南流經蕩口鎮西南東分一支為二派

北曰蕩口河東北會白湖水東南曰白瀆河東北會

昆城湖於長熟之南東會元和塘水及新河塘湖於

崑山之北者也運河又東南經澣墅關有光福河西

自太湖東流經木瀆鎮北而東來會又東南分為數
汊正派東南經虎邱山麓又東南至蘇州府城西北
分絡左右而南於城之西南有木瀆河西自太湖東

流經金墅鎮北合石湖諸渠來會城東南北三面支

渠縱橫屬縣竝達

東北為元和塘北通常熟東為
官塘河東通崑山太倉東南通嘉

定及松江各縣南為吳淞江
西洩太湖之水以東注大海

運河於府城南稍東

而南又有太湖諸水支汊相接又南至吳江縣北又

南經城東有太湖支津東南流為吳淞江

吳淞江
見後又

東南竝太湖經八折鎮又東南有松江府河自東南來會又南經平望又南經梅堰有溪河即湖州府運道也西南經震澤鎮東北流來會又南入浙江界經秀水縣北境之王江涇鎮東又南有水西南自烏鎮南通桐鄉西通湖州府分潯溪東北流來會其東有支渠東達嘉善及松江府運河又南至嘉興府城北

分支夾城左右而南其西有支渠二

一西北一支西自湖府烏鎮東

流一西南一支南自桐鄉東北流竝會

其東有支渠二

一東北流通嘉善北境之崇福

河一東流至嘉善城南曰華亭河松江府舟由此入
運嘉善縣東之魏塘河東北之清風涇北之章練塘
河俱流合華亭湖

東達華亭之泖湖

會於城南之南湖東南有支渠東

通平湖

此渠東北通松江北通嘉善南通海鹽西南及海寧

又南經桐鄉縣東

南境有支渠曰長水塘

東南接海寧東接海鹽二縣

又西南桐鄉

城河自北來會又西南經石門縣城南

縣西北有河自德清流入

東北有石門塘北達烏鎮南接運河

又西南海寧河東南自長安鎮來

會

此河東通海鹽北通平湖嘉善於長安之南南流折而西經臨平鎮又西南達杭城

又西南

經德清縣東境之大麻村又西南經仁和縣北境之

塘栖鎮又西南折而東南又南而東西支渠皆會東

自海寧北自德清西自餘杭諸水竝會過北新關南

至杭州府城之北

杭城北至嘉興府城一百八十里又三十里入江南蘇州府吳江縣

界又北至鎮江府京口古稱八百里平江

太湖源流

大江以南浙水以北彭蠡以東藪澤最鉅者曰太湖襟蘇常湖三府財賦之地東為松江入海本不與大江通其源亦遠遜洞庭鄱陽所匯諸流衆盛因地勢

窪下積水浩蕩無涯神禹時即稱震澤今叙次先自湖身而其源次之其流之分注於海與注於江者又次之

太湖即古震澤亦名具區又名笠澤五湖縱橫三百八

十餘里周三萬六千頃在江南常州府城東南百里

宜興縣荆溪縣之東府城武進縣陽湖縣之東南無錫縣金匱縣之西南蘇州府城西南

三十里府城吳縣長洲縣及吳江縣震澤縣之正西浙江湖州府城北二

十八里西自長興之東北至府城烏程縣歸安縣之正北環二省之交三府

十三縣地湖中山最大者曰兩洞庭其南近湖州府
城名小雷山西南近長興名大雷山也其東近蘇州
府城曰林屋即包山曰莫釐山曰靈巖山曰天平山
曰穹窿山其南曰胥口兩洞庭東西相望水光接天
支港無數

湖之上源在西曰宜興百瀆在西南曰吳興苕霅諸
溪

宜興荆溪在縣城南其在城西曰西溪東曰東溪凡廣

德漂陽金壇及縣西諸水俱匯流於西溪貫城繞郭而東是為東溪又東北四十五里入太湖曰百瀆口

百瀆支水無數在縣城西南七十五里為中瀆在縣北六十里者為北瀆昔人以荆溪當數郡下流於其東北入湖之口疏為百派以分其勢自東填築而百瀆漸微今惟荆溪合西南境諸水經銅官山之北麓東北流入太湖耳 又有竹山港在縣東北六十五里

太湖東北自分

水墩入武進縣界南境自董塘嶺入長興縣界

湖州府水俱入太湖其港最大者府治烏程縣東北之大錢湖正北之小梅湖二口為西南孝豐安吉州之

茗溪及南臨安餘杭武康德清之餘不溪二水之匯

而長興縣在府西北其東入太湖有三港口

大錢港口在府

城東北十八里瀉水之口二十有八其支港口黃泥港在城北四里趨小梅港以入太湖在府城北十八

里瀉水之口有八

長興北境水曰金線泉河出西北境顧渚山南流有金

山水自西界來會東南流經水口鎮南又東南折而

東流至縣東北境之夾浦港入太湖

水長百餘里港口東北對湖中

大雷山六十里

西境水曰合溪即箬溪也出縣西與江南界

山東流至合溪鎮南有南溪支津自南來會又東流
經長興縣城北又東運河自東南及南溪正流自西
南會而支渠北來相通又東北至大沈灣港入太湖
港南又有新塘港即南溪自縣西南來東北流入

太湖者也

南溪源
流見下

茗溪源出孝豐縣南境之天目山

最高處曰金石山其
南疊嶂即于於潛北

境之柳漁源白鴛溪
所出東南流入浙者

北流折而東北俗曰龍溪河七

十餘里合南來一水

水出東天目山其南隔嶺即臨
安縣西北之北溪為東茗水稱

餘不溪之上源也此折正北流經縣城東又北流七
水北流四十里合焉

十里經安吉州城東南有東溪河自東南來會

東溪出州

東南境山西北流數十里分為二
支一西北流會茗溪一支正北流

北經城東又北二

十里分為二派一正北流有橫溪西南自龍潭山東

北流經州西境而東北來會

橫溪亦茗溪西別源也
出州西南境龍潭山東

北流經州西境七十里至龍
目山南麓折而東流會茗溪

又東北經小市鎮北梅

溪鎮南又東北流一東北流會東溪支流經小市鎮

南又北經莫干山西麓而二派復合總曰龍溪河亦

曰梅溪東北至和平鎮北受南一小水又分為二派

一正北至長興縣東南合運河又西北而長興縣南

之南溪來會

南溪亦曰荆溪出長興縣西南境四安鎮東北流數十里分為二支一北流經

縣西境與合溪會其正派東北流經縣南境又分為二支其正派北流與運河北經縣城東又分三渠一

東南通小梅河口入太湖一東北至大沈灣港入太湖一北合合溪東北於夾浦港入太湖其東南流會

若又北於長興縣東分二支一東南於小梅河口會

正流一東北入大沈灣港而一派東北流合運河東

至湖府城西有餘不溪自南來會又北於城之西北

分為二派一正北流為小梅溪數十里折而西會南溪支津北入蔡浦港入太湖即小梅湖口也一東抱城北而東會城東諸水又東北至大錢湖口入太湖

是為最大水口東北六十里即湖中小雷山

此水源流三百餘里

又東分一小支於

新涇港入太湖

餘不溪即東苕水其上源即臨安縣之南北二溪至餘杭錢塘為安溪至德清合武康前後二溪為餘不溪亦曰雪溪至府治與苕溪會臨安北溪出縣西北

與孝豐界之東天目山

北水即北入孝豐之茗溪者

東南流數十

里經縣北又東南至青山鎮南南溪出縣西與於

潛界之化龍鎮東南流合西南一水東流經縣城南

又東流折東北與北溪會經青山鎮南又東北經餘

杭縣城南稍東分為二派一北流經城東又東北至

安溪鎮東又北會東南來支津又北有一水自西來

會

水出武康縣西南境東南流數十里經餘杭北境之雙溪鎮北又東經平富鎮南又東北流入安溪

又北而小山河東南自錢塘北界西北流來會即安

溪一派東流者也

自餘杭城南一派東流稍北七十餘里至杭州府治錢塘縣北境之

武林驛西與運河通折西北流經北新關而西北流曰小山河凡七十里與安溪會

又北受西

來下渚湖水

湖自武康南分封溪水東南經上陌鎮東又東南為湖

又北至德

清縣南曰茗溪河有封溪西自武康縣前來會即前

溪也

前溪出武康縣西南境山東北流經縣城東南分有二派一東流至此來會俗曰封溪

又

北至縣城南而武康前後溪自西合而來會

後溪出武康縣

西境山東流經縣城北又東流而前溪支津自西南來會又東至德清西入安溪總名餘不溪也

環

城而北分為三派東北曰東塘河北曰西塘河其西

北正流俱北流九十里至湖州府城南復合

東塘河自德清

縣城之東南北流有支渠東南至塘栖鎮之西合運河其環城東而北者東北流至歸安縣南境之菱湖鎮東南有支渠東南通新市鎮又東南至石門縣北合運河有支渠東北至連市鎮東通烏鎮而東北會運河又於連市南通新市河而東塘河正派西北流經菱湖鎮南與西塘河支津合又北流至湖州府城東南而西塘河及餘不溪正流俱自城南來會西塘河自德清縣城西北流五十里有支渠東會東塘河又北四十餘里至府城正南而東塘河自東南來會餘不溪正流自德清縣城西流折而北經武康縣東北境又北流至府城西南而茗溪支津自城西而南來會東與西塘東塘二河匯為南湖

東分支津二東南者曰澗溪河東通連市烏鎮正東

循城

者為運河至南潯鎮南折而東北經嘉興府西北境
又東北經吳江界入運河餘不溪正流於城東北流
會城北茗溪水又東北至大錢湖口入太湖支津又

東而北至新涇港入太湖

此水源流五百餘里較茗溪稍長

東天目山在臨安縣西五十里東茗水即霅水出
其陽 西天目山在於潛縣北四十五里西茗水
出其陰 入湖之七十二漣烏程三十有九長興
三十有四

湖之下流入海古稱三江今東江已湮其大者曰松江府之吳淞江次曰婁江又小者為諸浦凡松江及太倉州長熟各縣支渠東入海北入大江者皆其委也

吳淞江古名笠澤亦曰松陵江自太湖分流出吳江縣

城東南之長橋東北流合龐山湖

湖在蘇州府城南二十里又東南為

黎湖菱湖葉潭湖新湖皆曲折注與吳江縣境界近相接

又東北經唐浦

浦在府城

東二十五里有土壩折東南流十餘里為角直浦即古角里

在崑

山縣西又東南流經澱山湖湖在崑山縣南八十里

四十里周迴可二百里其東北即青浦縣界入松江府境合趙屯大盈顧會崧

子盤龍之五大浦

趙屯浦在松江府西北七十里大盈浦在府西北六十里自澱山

湖東北南曹港口而北歷青浦縣西絕橫泖與北曹港合又經青龍江白鶴匯而北入吳淞江

顧會浦在府西北二十五里上源為通波塘出府城北流為五里塘又北為祥澤塘崧子浦在府北十五里自

顧會浦分流至嘉定縣之高家濱入吳淞江盤龍浦在崧子浦東自府城東三里北流匯上海青浦諸

塘水長八十里流入吳淞江以上松江五大浦流入上海縣西北境之宋

家橋又東南流至縣東北三十六里與黃浦合又迤

運為吳淞江入於海

海口在嘉定縣東南四十里去上海縣五十餘里 吳淞江經

吳江吳縣崑山青浦華亭上海嘉定七縣地至黃浦入海凡三百餘里

黃浦亦曰春申浦在松江府城東南十八里既會吳

淞俗稱吳淞為黃浦江其上源即嘉興府秀州塘水

與蘇州府澱山湖水滙為上中下三泖湖凡嘉湖以

東太湖以南諸流竝會平湖縣北境水亦北流注之

至黃浦又折而北經上海縣城東二里又折而東北

與吳淞江合

嘉興府長水塘源出杭州府海寧縣諸水北流入嘉興境東通練塘東南通橫

塘橫塘在府城東南五里其流會為龐湖轉馬塘堰而上海鹽縣也練塘在府城南二十五里與橫塘長水塘通而長水塘正流至府城南為鴛鴦湖也府城東十里有雙溪松江漕舟由嘉善至此又西北合運河府城東有鳳凰洲以南之水入平湖縣界洲以北之水曰華亭塘入嘉善縣界嘉善縣在府城東三十六里魏塘河自縣西之華亭塘分出東流繞縣城後而東即秀州塘俗呼官塘南合白水塘東合大雲塘諸水又東至松江府城西南六十里之交界處曰風涇鎮又東十里過白牛塘絕長泖而北流又東合黃橋門及斜門以東諸水至沈涇塘入松府城西水門貫城東出與俞塘諸水合流入黃浦松府運舟由此水以達嘉興三泖湖濶十八里其西岸達澱山湖十里其東岸達松府城三十五里為數郡之會

婁江今日劉家河自太湖分流於吳江縣西北十八里

之鮎魚口北流至蘇州府城西三十里之木瀆口由

胥門外石灰橋入運河經城東為婁門湖又東至瀆

墅湖

蘇府東南二十里

又東為陳湖

府東南三十五里

又東受陽城

巴城二湖之水

陽城湖在崑山縣西三十五里巴城湖在西北二十里

經崑山

縣城南

一里

又東四十里經太倉州城南自州西南諸

水悉會又東稍南七十里曰劉家口入於海

自此浮海至崇

明縣百二十四里地為海濱要會元人海運由此入海

自婁江而北洩水支港頗多其最名者太倉州北之七鴉浦入海又西為常熟縣東之白茆港北之福山港入江也

七鴉浦在太倉州北三十六里本婁江之別支自崑山至和塘而北合常熟諸水為七浦經州西之真塘市又東三十里經沙頭市塗松鎮至七鴉口入於海

宋時

以茜涇下張七鴉白茆許浦為崑山常熟之五大浦

白茆港在常熟縣東七十里本丹陽練湖常郡溇湖諸

水為震澤不能容者溢而東南從無錫蠡蠓諸湖入
常熟之華蕩繞縣城南而東北流至鮎魚口又東二
十五里經支塘市又東稍北二十六里達白茆口入

於江

宋時常熟五浦曰李梅塘曰白茆
港曰崔浦曰福山浦曰黃泗浦

福山港在常熟縣北四十里自城北水門流三十里經
斜橋又二十里經福山下入於江

附錄

海自吳淞口而南為川沙堡

上海縣東南
五十四里

為南匯

胥

上海縣東
南八十里

為青村所

松江府東八十里為
東南二面轉屈之會

西南

為柘林鎮

府東南七十二里

又西南為金山衛

府南稍東七十二里

又西南入浙江界洩水之口有平湖之乍浦海鹽之澉浦

乍浦在平湖縣東南三十里與海鹽界平湖南境諸水匯此入海

澉浦在海鹽縣南三十六里縣西南境水由此入海

自澉浦而西南為海寧縣之赭山海門即浙江海口也

水道提綱卷十五